

四庫全書

集部

欽定四庫全書

集部
蛟螭集卷三

詳校官中書臣涂日煥

侍讀臣孫球覆勘

總校官進士臣繆琪

校對官典簿臣郭祚熾

謄錄監生臣陳際龍

欽定四庫全書

蟻蝶集卷三

明 盧柟 撰

賦

幽鞠賦 并序

盧柟既用事逮繫瘠獄與幽囚伍瞽憤迷惑目無日月
不知晦朔仰天太息曰嗟乎聖人修身善道立命不貳
賢者推運循理以定所天顧柟微眇離茲憲網問諸造

物而已因作賦以自廣其辭曰

帝顓頊之嬋媛兮皇波淮乎姬姜
儻海岱蜿蜒於北陬兮靈宗嘉牒於范陽
選雲雷之霍靈兮踳蹠改此南服
淑浚上作甘美兮躡康侯之芳躅
皇傑梧董道以迪惠兮母氏靜約而告育
曰余夢文杏霍飢於霄漢兮芙蓉
暎而尚粹溘焱焰儵而進兮應龍
齧齧而下眈偵蚺虬以舂談兮頷
乞攫而速端億錯措以羣號兮明
駟駟而決皆倏恍恍以隕虛兮覺
懷妊而因基

余母夜夢
此有娠
謬余

降於衛許兮幼好姱而岐嶷岌青雲之偉冠兮挾長劍
之陸離朝晞余髮於崑崙兮暮濯足於咸池擘招搖以
為袪兮履彗星以為綦余長喟其歷之未現兮勵修余
之菲芳裁薜荔以為衣兮衷芙蓉之翠裳集若菹以為
藉兮糝杜蘅以為糗揭旌於蘭皋兮稅駕乎芳之塘余
迅減鞅以高舉兮汨鑠駟而顛隕謂曾參之殺人兮談
市虎而成悞蒼蠅習習其貝錦兮魚目效明月之璀璨
嫫母慙以姱嫫兮擯西施之顏婉而自眴蝮虺僂僂於

几筵兮戈鋌森森以刺余目既阨余之庠廡兮又譖之
以鈇拳低曼睎彼狴犴兮桀血斷而封矚宵閔怒以蹲
踞兮視將躡蹠而矯鵠檻膠蜣以黜軋兮棟屈蠖而壓
翳縲纒纒於伏棧以苦余兮仍反接而窘臂耳嘈嘈若
有聞兮何述迴而怫惛目炯炯以或見兮佇鏗勿而復
瞶神軼氛習習以潤養兮精憧憧而往來覺塊然滯此
一方兮心猓猓而增哀鼯鼠淫喔以啗余髮兮魑魅含
睇而瑤璫儼品品相喃以對泣兮禦糾糾而呵護般逮

余兮紛飈緊鵬鳥之巢蚊睫兮焉能戢此軀也枕雕虎
以燕憩兮又誰知不我虞也悲時晷之遄邁兮曜靈忽
其西藏微霜淪而下降兮恐瑤草之不芳高馳志乎雲
中兮察精氣而相伴王喬衙衙而弗顧兮赤松告余又
荒唐行偶偶獨日暮兮安放乎不死之鄉橫衝波而微
舟揖兮天吳搖首而振怒歷泰山之坎軻兮颺颺絞盼
以當路援狄蹇以在押兮雖輕捷其焉去鳳凰之罹爵
羅兮縛爰爰之華羽抱鬱軫以顓處兮呼蒼天以為直

戒五嶽與嚮服兮裨河海使聽殛咎繇遠以不間兮玄
武違而莫惻何羣神之豐豐兮靈炳耀而罔恤夫余既
不能蟬蛻於茲蕪穢兮眇察風而長驚心結思於大荒
兮魂煢煢而上度激青雲之霏霏兮飄風回而霽霧載
玉女於後乘兮飭豐隆以先路義和儼以駟桑兮望舒
翥而傲御征輕輅之闐闐兮八鸞鏘鏘以迴步承雲霓
之氛靄兮靈旂繽紛蜺虬乎翠羽挹朝霞以為餐兮吸
沆瀣之精英漱華池之飛泉兮聆鈞天於帝庭素女涕

泣以淋浪兮間絀瑟而吟嚶處妃歛歔以結軫兮潛咨
語而沉情余凌軫虛而佚蕩兮將擘結乎三光撰余轡
而馳騁兮問元化於勾芒採三秀兮眺瀛洲之微茫弭
余節兮聊解珮乎扶桑睇南州以凌厲兮嘉桂樹之叢
叢名風伯以驅煥兮謁炎帝於清宮何蒼梧之翳靄兮
重華穆以揚靈湘密鱗而覩瀼兮二妃胡為而弗從決
白門以西望兮覲蓐收於金樞氣浩浩以莽曠兮薄晻
暎而誰須觴王母之仙姝兮挾瑤池之芳都指玉勝以

為約兮歌白雲以相愉荃既婦余以好艾兮絕弱水而
進輅齊玉轂之礪礪兮指寒門而並驚軼鐘山之幽駝
兮令照之以燭龍召玄武為備禦兮勾辰翼乎紫宮託
鸞鳥為之先後兮問太乙之繚垣靈剌剌以黥約兮鳳
凰承旂而飛軒雷師礪礪轟礚以震盪兮烈缺倮爍而
施鞭護屬員以搯余兮闐咤噫而俾還卒攬涕反此舊
都兮潔筵篲從卜乎巫咸曰天地無隘兮物無終始變
化互渝兮幹流遷徙形氣轉薄兮或浮而沉造化沕穆

兮禍福無門聿性命之難言兮誰知其極萬物糾以霧
盪兮又安所止息惟大人齊物我兮以天地為廬舍總
山川於毛髮兮騎日月以為馬夫有虞之潛歷阪兮當
厯數之在躬夏后胼胝而陟大寶兮季有光於黃熊震
龍漿而夏竦兮顧駕禍於周庭白魚躍以膺大命兮劉
氏顯而有功奚五羊以自鬻兮由余振於西戎尚鼓刀
於海濱兮仲父射鈎而桓榮仲連談笑以却嬴兮胥重
繭而存楚條相后而餓死兮贊搖筆以光輔墨不黔以

衛道兮孔轍旋而微伍光狷介以自湛兮夷顛頤而振
古夫道固無涯涘兮行焉知其所如惟恬澹與寂寞兮
斯貞人之攸居從委命而棄流兮遊寥廓之鄉忽喪我
而無是兮觀泰初之茫茫余託蜉蝣與遊兮曾日月之
徜徉忽歸魄於玄壤兮又何足傷勉修余之俶服兮珮
芳澤之幽蘭紉揭車之落英兮襲江籬與射干飾翡翠
而綴珠被兮爛的皪而芊眠組綺縞而飄颻兮下結之
以雙璫余婉美而自鑑兮何媒妁之可攀夫君眩而弗

御分亦余心之嬖婢系曰天地緼綸何時明我欲見之心徬徨輾轉懷憂抵自傷超軼絕世窮大荒帝極洪洞不可量緘悲歸來卜巫陽勵志肥遯含大章獲我所思樂無疆

放招賦

盧柟繫獄三年形容枯槁智慮殫殫若就死亡太卜巫彭往見之曰聖人慮事遠而識見明夫子懷志惓惓魂魄滑滑異實之弗招迨就之替恐不能渡諸技焉盧柟曰

損榦彊固則魂凝精氣專一則神澄余無所用招為巫

彭曰夫子孰與屈原踏踏斤斤愿愿揚揚而懷沙湘流

窮招弗返

音徒

彈思於師陽夫生不用招奄者既遐而

後偁衣長嗥宜乎長逝遠暝與終古而寂寥焉遂大招

曰魂兮歸來歸來何為乎舍君之脩幹散而之四方且

捐君之先故獨無所徬徨且歸來歸來陽氣雜糅恐君

之罹傷且魂兮無東東有巨壑且天吳八首壺鬣血斷

且封狐九尾譏笑昂瞳且羿弧狼矢羽日緜淪且魂兮

歸來不可為鄰且魂兮無南南有桑岷鑿齒袒操拔釵
射蜮是食且俊妻甘淵十日崑崙且號貓交踵儵忽千
里齧人齧齧以啖其膺且魂兮歸來離此不可測且魂
兮無西西方之氣白濔莽曠不可識且吳姬晻昧日月
所翳且黑水淵漭渺茫淠滴且女丑之尸蒙面奇恠且
開明人面瞪視顰眉且蝮蛇僂僂雌豹是植且蝮犬狺
狺從首得噬且招拒是司往恐見癘且魂兮歸來無為
遠邁且魂兮無北北方不可言且燭龍長暝玄豹蹲且

貳負反縛石室園且寔寔龍首甘人吞且建木九橧葉
續緒且五穀弗育斷冰飡且魂兮歸來何逡巡且魂兮
歸來歸來君無上此穹窿且帝神威眖馳使豐隆且豺
身鳥喙被髮鬢鬢且巨靈淵目其音若鐘且操啖青蛇
蚺蜺絜躬且獲獐逐人不輟明矇且魂兮歸來慎無往
從且魂兮歸來歸來君無下此黃墟且羝羊顙顙貪婪
若舖且叩鼻血吻九頭殊軀且颿颿猗逐甘啗顛顛且
八柱森挺齧若槁梧且魂兮歸來君何取餘且魂兮歸

來憩華夏且義和傲御望舒迺且四時軌運交受謝且
玉燭均調昭大夜且昌光第鬱八風華且象緯諧度道
光化且魂兮歸來樂無射且山岳盤礴五丘延且隕樞
寫管汎流泉且嶢翠漣漪兢秀先且偃佺隱淪往來間
且瓊英玉津碧藍田且遐採掄採茹延年且琦環呈露
俟嬉惓且魂兮歸來都便閒且神州華域瀾宇宙且伏
后姒姓歷帝胄且朝市面宮殿湊且冕旒黼黻綦會
秀且絃統藻緯文數有且杠高九仞撻羽琴且熊虎輦

畫擁先後且三圭徹侯威神構且獻法惟寬流澤懋且天
德離照多善宥且魂兮歸來美休邁且承韋東壁康侯
神且浚宮有嚴次龍鱗且戶牖閒靜嫺嶙峋且魂兮歸
來暱親臣且夏屋阿閣抗虹梁且旋室嫵媚飾璧璫且
三階平城黜堊章且方連采摠繚金綱且玉女牽牛闕
緦窻且偃仰儼雅交佩纓且蘭風靡離浥蕙光且曲屏
雕疏被芬香且朱縹緲潔畫長廊且圖繪譎詭矯飄揚
且礬熏珠箔鵲翠翹且碧璫緡縣熠琳瑯且金缸銜壁

蒙絳綃且象組玉樓弱組繡且綺縞繽紛羅幃高且珠
被的皪綴瓊瑤且隋侯夜光蘭燭華且炯開洞房徵女
娃且分曹代御靚婉娥且周鄭豔女粲芬葩且長若落
英艾髮髻且纖紉綺縠嫵以姱且調中易心都其可嘉
且肌理膩靡柔惠婉且靨輔具齒宜笑媽且蛾眉聯嫵
目光爛且長袖善翳惠音歎且曼睂微波流視盼且精
彩神授志彌嬾且琦姿艷逸殊瑰變且揚詩約禮靖不
亂且離宮別館侍君之宴且桂區蘭畹密彤闈且繚簷

鬪淩盤雲螭且穹臺倚榭鑿方池且碕礧小山扈溶涯
且芳若射干施葳蕤且毗卬芙蓉綠波湄且文鯊赤鯉
從塘陂且瓊簪珠級連姝麗且稊茵步輦極游嬉且魂
兮歸來無久違且庖廩肆事殷饌盈且黍稷粦麥剉香
稷且秦薤蜀葵吳鹽蒸且越摘甘酸香榛淩且苦醢鹹
酸八物豐且哉脯靡鑿膾彌精且馳峰熊蹯薑止馨且
肺臠炮麝桂椒行且鯉鮓鱧膽燐鵠鷄且鮮鵠臠鰓膳
銅羹且五齊三鶩羞豆腥且酪澤蘇膩獸脂瑩且罍樽

刻鏤雲氣縈且玉酒歛灩九醞清且靈和希液夏凝冰
且瑤酌芳潔娛協情且歸來故塾愉樂有寧且西清東
序列巨虞且應輦搏拊考鑪鼓且倅鐘句聲埴篴竽且
雲門五莖蹈太武且大雅既希鄭衛陳且女樂駢進簇
巾綸且新聲絕妙窮徵音且激楚結風陽阿繁且美人
半醉色靡徵且明眸皓齒揚朱脣且目略微眄遺精神
且奇服交璫望之若雲且二八鴈次舉趙舞且颯搯鵠
驚鷁鷁下且凌厲赴節動媚嫵且竽瑟闐奏枹鳴鼓且

羽綸鱗回紉雙廡且吳歛宋音遞綿縷且危筵離徹藉
翬氍且促觴交膝墮簪襦且沈湎繼夜勞珍廚且醪醑
解醒戲侏儒且欺鴝鵒耽詭覲且鞮鞻韋韎儀林胡
且躡鋤蹋醵緣都盧且娛酒既終步擗衢且周覽岐視
聊踟躇且攄翰撰思文璫璣且同抒賦歌畢歡娛且魂
兮歸來恣所圖且瓊轂翠衡駟六駟且旌旂承雲建格
澤且貌貅擁趨桓輝赫且弧旌枉矢載鷹獨且杲且道
被綢遠獵且八陵十藪虞羽骼且麒麟驕驄伏園柵且

鋌連駒駝蹂羆貍且鳳凰鷩鷩鴻鵠且鸛鷖鳴喙
婁婁且夔搜撫逐彌平陌且血輪割鮮多躡蹠且游戲
倦矧言旋宮且較施創刃招友朋且重飭錯几張華燈
且伐鼓闐鞀鏗石鐘且絕夜連曙嘯歌棕且桴蒲角巧
有瑤枰且象杯犀齒五木行且一呼十盧射先名且剝
柏蹕蹕白日窮且懷思長鑠壽岡陵且魂兮歸來永安
貞且淫佚縱度賢聖嫌且周穆八駿康遊畋且有窮不
軌譏隕顛且肉林酒池商辛殲且昏鑑不遠魂匪湛且

三后五帝憲章庶且盛德昭屆四海園且馨香至道徹
九天且丘索墳典載籍菴且禮樂苑囿文治淵且魂兮
歸來端視瞻且亂曰青陽攬轡兮萬物發生桃李灼華
兮芳杜蘅懷君之故兮超恍惚游覽高舉兮窮淹沫蒼
螭駟駕兮扛虹旗飄風往迎兮君不來颺颺睢嘯兮從
後先被服薜荔兮飲石泉松篁叢靄兮杳不見天背行
誘驟兮馳堂隍周游上下兮歸故鄉若木敷華兮翳陽
靈白露瀼浩兮臯蘭辭榮時不可再兮日蹉跎鴻鴈嗔

嗔兮水揚波崇期恢曠兮芳草茵方軌結騫兮車麟麟
衛之許兮伍之南雲溶溶兮發澄潭晞靈駕兮步晴嵐
魂兮歸來胥盤桓

惜毀賦

太陰為室兮叢棧昏玄雲黥霽兮殺氣淪夔眴盱笑兮
鬼啾啾魍鼠呻吟兮虺蛇蟉蟻蝨鱗鱗兮被髮鬢精淫
恍惚兮軼上蒼聖澤霈兮澧澧周道砥兮有枰狡童兮
輕佻馳陂陲兮逍遙俚兮趨志驕蹇越荒唐兮華泆忍

恫兮顛頑兮棄鵲驚奇鵬鵠兮從嬉攀網罟繞被兮
增機綸捆徽纆窘觸兮殷憂結軫禍延考妣兮童穉離
隕室家丘墟兮第霍茂隱冥身園牆兮玄夜長虹霓為
孽兮日無光痛哭是昊兮結懣招帝閭兮眇沫般自列
兮莫聞痛際天兮我柏往者逝兮匪追淑將來兮安宅
檻虎豹兮熊羆文威絕兮孰所為憲皇網兮冤頸反舊
鄉兮何期山籠從兮綠桂枝禽獸號兮猿猿啼羈縻兮
離憂羗長苦兮物類我思

秋賦

楚襄王與宋玉游於雲夢之臺舍蘭臺之館浮漢沔略
江潭射楊林眺蒙山游旌蛇螭法象緯嫿輝蔭三湘氣
彌七澤猗蘭幽以承珮芳桂遠而延輶輦瑤華之繽紛
翔翠羽之鷗翻於時涼月懸珪白露凝輝寒風鳴條微
霜霑衣宵霧靄兮遠山崑暮煙橫兮長河湄王迺抽牘
揄翰以命宋玉曰疇昔雲夢之遊子大夫為寡人賦高
唐未及蘭臺之駕子大夫為寡人賦雄風方今日馳虞

淵鷗鵠先鳴汗漫淒淒無以攄情子大夫未有說乎願
為寡人賦之宋玉於是逡巡改容釋位離次跪而稱賦曰
臣聞天地無閔乾坤斥行剛柔沓分時序交禪春華
發榮秋實振晏其為體也博確鴻固專翕廉凝收歛象
類參伍元英乾健不息弼成罔極上備天道下全王德
秋之時義大矣哉夫其朱明既退招拒斯昂蓐收弭蓋
少皞弛裝闢白門肅金方韜炎飈激清商焦溪涸而不
流沸潭潛而弗揚爾其為氣也氤氲膠戾凜飈翻頽
翫翫

翳綸茵掣蹠礪霈喻喻忽忽撞搪磕礫若迺觸土囊
汙汚之口噉大水圜圻之竅嫖厲叱嘯迴戲突嘯聒勃
碣駭踣蹶攢號倏拂改節和喁稍嘈崢分若促絃柱而
摘箏纂迤兮若逸擠擦而鳴塤囂網緼窳圍橫酸鬱陶
爾其為容也澹淡晻晻皓暵曠瞋斥塊凝漫廓落鴻敞
荒裔凌厲上下窳窳黥靨轉薄游氛軼蕩紛態橫出蘊
懷悵惘蕭瑟寂寥惘惘悵悵孤臣孽子遷客棄婦莫不
感心傷氣流涕增欷爾其童濯崢嶸分披品竈疏離案

衍宣回嶽壑，泐岸崢嶸羣山。蕭索劉厲，彌平寂寥空。聊
於是清玄海落，長江抑舄澤。熒扶桑潛漂，淳滴密鱗。崩
灑霜凝，龍窟霏落。鼉房鮫人泣，珠海童滅光。陽侯馮夷
天吳，個像魂銷魄。揚率悉愴怛，若迺芟縻祿。蔚次寥林
蔭，隳葩搭櫟伐。萌沙櫟繫精於松檜之林，獵芳於桂椒
之圃。被杜若委庭，蘭蒙江離夷射于翠葉紫莖朱萼。秀
華隨風振綺，應日傾葩。於是鴈遊江浦，雀流海濱。燕歸
玄穴，蟬寂窮林。蟋蟀宵征，鷓鴣夜吟。陰凝氣積，萬物凋。

瘁倘有后敘後時削跡未逮披零電衝凍靄拆跂裂吻
而死者不可稱計若夫志士坎壈中人薄寒蹇產淹留
感時增歎惻擴迨節忿藉溷恩僚慄於邑絰結弗變此
夫閉藏萬有擗節造化忌盛憂滿唯秋之謝王迺乘戎
輅載素旂服白玉駟雲螭居明堂命將帥誅暴慢明好
惡嚴斷刑脩法制繕囹圄決訟獄感氣順化應時承治
所以張弛乎仁義之道彌縫乎禮樂之文於是東漸西
被恩殫無垠脩臂鑿齒之邦結胷驩頭之民幪鳳凰箱

麒麟繫猛獸籠文禽薦上國充珍肆於昭聿皇萬萬歲

天目山賦

為孝豐封君
南山吳公作

吳王夫差畋於具區之野王孫彌庸驂乘大夫申叔儀
御王望見天目之觀巖嵒嶒嶒會凌雲撓節鬱輪囷薄
乎中霄王命彌庸眡之對曰茲所謂靈祲也王曰靈祲
何如彌庸曰昔禹封九山含精畜雲觸石吐氣炭漫龍
鱗蛻兮獨上剡兮施紛紛紘紘莫知所以爾迺滋草
木旅禽獸爰僑恠填珍媾駢田隱爚萬物彌薈疇昔之

見無迺近是於時申叔儀進曰大王察彌庸所稱纖懺
參離巨體崩戾可謂剗造化之渣滓而曾於盛德之符
契者矣且夫維揚之澳碩人焱起翩兮若威鳳苞彩翔
秋旻矯兮若游龍凌倒景昇河津曉兮如日渥兮如雲
變化無方孰者為隣伯啓毓於竒石傳說騎乎箕尾茲
山所以發精於哲耄作鎮於江汜若夫撫草茝之見禰
頰古之談臣雖此陋荒邈所不敢聞也王曰願為寡人
賦之叔儀曰唯唯

惟吳后譽茲夏壤兮頽女繁其岑隈疎扼隋之陵嶽兮
遼覓紗乎邛峽陟翠微以嬖姍兮徑造天之崛岉踞虎
豹而聯眇兮紘衆山之蔚嶢礧嶠催催之踉蹌兮峘矍
矍而掩襲馭沈沈以輜輳兮巨石嶄嶄之獶翮南嶼岼
嶼橫山嶢嶢靈岩玉華鬱律萃第參差波揮援獠獫
砮洞嶰澮窆豁豁豁豁訝沕霸劫悟倂婉傾崎崕覆磐
礪磷砮睢砮蹶蹶譚譚隕靡橫選蹠盤于拉挖睢洩
蹲鷗噉霍山下還眺層巒鹹何煙煙雲霞濛濛靖瑩天

霄膠瀉宗廖輓輓澹泖乘風瀟捎眈如罍擾同若禽翺
目不轉睎豔彩四暢滲淫離襪莫能形狀瀑布傍涌離
潭藏潏龍湫荻浦靈溪破踏渥乎混流汜濫躋住蹶崎
石觸唐嶠滴乎湓怒洶洶澎漫灋灋濶濶抗齧騰溢淡
滂解舫橫流紛霈潼沫高厲皤如白馬偃紉羽蓋蜚倕
呬喟汨汨去瀨憑陵碩壑碓投雷磴硤硤潏隱砮轟訇
渚漉漉洑洑渠濬濬鐫枝詩蹇產潏潏漂駛淼茫遠輸
紆餘東逝永辭天墟潏沆潏養安節長浮漑濶瀆淪潏

為後湖於是水蟲恠錯暴於洲渚黿鼉蟾蜍鰕鰻鱖鯉
鮫人淵客呀呷齒齧魂魂鱗鱗踏還傍仵珍水敷紫璘
龜叢生琅玕翠葭珊瑚葩呈偃仰岐眄中搖目精灌林
葱蒨葩華掩會糾枝隴房揅擗砢偶伉離蕤飈風流掩
藹隨波潭沲婀娜苒苒蒂浥彩翠霞吸精沆瀣纖柯嚶吟
颼瀏慷慨經寬隕抑或象笙籟尋變馳險八風肺沛馮
虛聽響使人心憤靡隸纘父狄蛙猱然貙獍魑殼獬胡
狎媛獬斷坐嘯裂皆互瞰驚透護略幕歷半散超巉巖

騰倚岸捷蒙茸懸絕澗羣獐狡健燦兮若浮雲曾不可
稱算周覽堂密隰隩瀾陀芳草靡施秋蘭薜蘿唐蒙留
夷鳶尾胡繩楚蘅江離俗俗絢絢艸艸萋萋肝蠻閭夢
芬馥梨披鷗鵬羣遊魔揚軀翼瞬視嘲咋毳毳藻臆鷗
子駕黃鸝諸鷗鳩戴鵲石鳥驚斯蒼鵠翬散陸離戲游
山岳若夫琛希之賂金鑛涵扑雲精燭光瓊支昭華璇
英白珩藍田縹碧赤霞流黃煨磈山谷衍溢陂陲碕岸
不枯林藪輝潤滋液淖瀟光彩蟒煨於是乎嶽靈擁峙

川后聯蜃百神歟集儼儼燁燁泰乙薦鴻祗御蜚廉翔
蚩尤驚靡蜺旌馳翠輅颺旋電掣陽噓陰沍煜奕傑倬
萃於豐處鵬秀斲奇亶胤顯老瓌琦偉長雙顧日表方
瞳星爛鮐姿雲裊宏懿儼雅倂儻要藐徊翔於道德之
林獵弋乎神明之圃覽觀九族之有亡與閭閻之變態
錫羨餘恤不逮繕橋梁虞婚配裕後昆揚昭代金紫璧
耀冠蓋雲屯擬跡萬石越彩入閩然後肆志乎游覽履
巍巍涉漫漫坐穹石揮五絃舞白鶴泣玄猿電綠叩之

杖踐赤玉之舄浩浩乎葛天氏之唱偃佺負局羨門安
期或命石髓或翳紫芝相狎於洪崖之涯洪河清昌光
鬱麒麟游鳳凰至萸莢生黃龍戲泰華砥崑衡霍增磧
風雲交通鼓舞忭會信壯乎天目之大享靈長於億萬
歲

酬德賦 并序

昔謝宣城作酬德賦以報沈侯彼特腴風雅之賞詒國
士之眷爾朅自庚子歲被誣繫獄十年餘自分朽骸永

絕人世趙王殿下憫然銓栴四賦灑以睿藻用雪梧臺
之寃壬子冬栴既以上命平反迺如趙朝謝王哀其窮
錫之珍饌肉藥寵龍渙瀚天日疊耀方之宣城所感為
德何如然神以理超情以文遣匪辭之麗斯焉取酬於
是因謝名篇聊著鄙賦其辭曰

唯岷岑之培塿兮黎水清而停秋淑氣殫以滌隸兮諒
非屑之多尤虬蟻蠓之微姿兮顧厲響而長浮爾迺歲
既暮時將竭寒蟬鳴流芳歇搖落洲渚次巖丘樊千里

直視黯然銷魂情感鷓鴣愁淒斷猿悵氛濁之徧狹馳
清想於天凝慨夸父之鄧林吊燭龍於崑崙縹余馬兮
扶桑枝涉余轡兮桂水湍拾江妃之明璫跨湘靈之翠
鑾於是崑嶽互起江河橫變封豕卧啼雄虺坐眄風露
傷足晨風瘁肝汨海濟以傾攲凌風而鍛翰豈蒼蠅
之點玉實萋菲之交煽囚圜土兮曳長纓俛冤頸兮泣
吞聲仰飛鳥兮不可攀思日月兮何時明嘉虞卿之撰
籍希黃霸之授經簡一閱而三嘆魂竟夕以九升志沉

緬以鬱陶氣於邑而填膺揮思彤管裂衷竹素秋蒞就
章風謠託賦信陰陽之迭運躋虧盈之無愆將長號於
帝閭賴造始於英藩偉神聖之授彩播天人之名篇泝
瀝液以淫灑紛藻潤而芳妍振金碧之琳琅炤丹雘之
瑋爛羌雲涌以霞馭倏龍變而鳥騫皎若凌天河窺織
女雲漢之章鏘若升清廟聆師涓洞瑟之絃齊未伎於
何李藉隆譽於謝田翼二京之可紹埒三都之並翺警
司命之炯旨欵士師之酸言爾迺聲流臣工華照八表

市虎解讒亭姬雪慘返景崦嵫合劒龍沼起灰甃兮發
夜臺披雲霧兮天門開攬衣帶兮非疇昔聊躑躅兮心
蒐哀於是緩貳負之虐械啓華表之靈思雖城廓其如
故已人民之半非陟北堂以傍徨痛考妣之先違二稚
逝以如往一女殞而方歸彼蓬婦之苟活亦老醜而堪
悲涉園亭以凝眺見蕙葭之蒼蒼橋偃蹇以斷石壁陟
阨而橫窓雲幽咽於翠岫葉蕭瑟於銀牀瑤草委兮菸
壑桂枝凋兮垂牆望佳人兮不還歲將杪兮怨長於是

季冬嚴寒北風騷屑江雲結凍海煙飛雪蒼隼凌颼代
馬警節邁世懷賢銜恩赴國仰攀嶺岼俯涉清冽揭闔
闔以延佇遵玉階而屏營壁連錢以銜缸牖疏鏤而瑣
青爛昭華於東序裊翠徐於西清擬承明之彤廬或鈞
天之帝庭同虬顏之萃渥冠日表之奇熒侍螭頭以陳
辭撫龍翼而若驚爾迺玉音綸發神衷璨亮天風四敷
春陽疊暢八珍馨流三韜芬飈馳羹已霑鳳炙再貺醴
酒陳兮泛翠瀾醉起舞兮嬌朱顏願君王兮惠一見壽

千秋兮歌瑤壇精髣髴其如思情邑鬱而弗安步徙倚
以斜陞涕淋浪而流泉將振翮以遐舉忽掩臆而長嘆
玄雲鬱以凝盼悲風颭而無端昔園門之多險嬰金鐵
之拘攣效魑魅之微軀望豺虎之一餐敢謬想於煙闕
覽清輝於鳳鸞德裕命而匪測恩潤身於無垠幸濡翰
於蓺圃銜一羽而塞乎巨川迺為之謠曰若有人兮滄
海湄吸光景兮馭雲螭時蹇產兮隳淵涯宛將逝兮長
離思大人造兮參南離恢冤網兮超塗泥惠芳腴兮思

不訾誠既感兮我心悲愉丹悃兮歷賦詩彌億萬兮英聲垂

壽成臯王賦

梁孝王讌賓兔園相如在位王授簡於相如曰寡人壽願為我賦之相如避席再拜曰唯唯夫壽天地之希齡大王知壽然未聞王之壽大庶人之壽小也王曰庶人之壽何如對曰庶人凡夥品類各異若夫奇商巨賈征戍之客劬工浮游田父跼蹐黃冠玄袍緇衣閒適每遇

誕期佳事興。散酒矜設。招致友生。縟藻匪施。浮碧無
傾。帷幔起兮。露色寒琴。調急兮。霜華凝。曾為歡之幾何。
旋紛擾而咿嚶。若大王之壽元辰。未屆百司。豫啓瓊珠
之宮。金華之里。象棲龜屏。鸞茵犀几。窮竒怪。含香上
馨。雲氣四散。化為僊靈。綺麗慌忽。奪人目精。於是石渠
金馬之士。逡坐駢至。充乎後庭。炮翠麟脯。霜鯨宴素。日
張金燈。攘皓腕之鴛袖。映繡柱之鴻筍。調採菱之艷譜。
發遏雲之新聲。歌曰。帝子降兮。金井寒集。瑤池兮。驂白

鸞儕遐齡兮千萬歲與佳人兮長盤桓爾迺分曹投博
飛觥舉白促席交膝簪珥狼籍玉衡斜漢金虬水溢然
後歛儀肅容悄然言別揚旂離館迴鑾東闕此所謂大
王之壽非夫凡氓所得擬也王迺釋位就相如坐以酒
觴相如曰寡人之壽若是其大微子之言寡人弗知也
是後益親幸以相如為上大夫

懷隱賦

并序

懷隱賦者明處士盧柟之所作也紫泉山人周子棲隱

東山岩亭亭峙森邃巉石離樹望之蒼然蟬蛻之士嘗
託心於此焉枿久嬰苛網沉思泉石於是因山人推尚
漆為斯賦是足貽笑向平云爾辭曰

大岷輪囷兮竊東郭壤嶮岈峇岵兮深林薄山勢崱峴兮
石爭厖谿谷豁研兮水潏迴雷雲霏隱兮觸河陰渺茫
橫被兮張夕岑怊悵無侶兮發嘯音杳然絕響兮肅心
魂構元氣兮為壇葺朝霞兮繚垣飢旬始兮結綺疏揉
列缺兮縈欄瑤草兮堂下若華繽紛兮照予天潢兮搖

波鸞鳥習進兮日歌以舞
山中人兮零挂枝狎文豹兮
旅熊羆踐石梁兮貽所思
縣藤千仞兮邈不可期
僚兮瑟山北岫洞嘈嘈兮
魂髣髴兮廓偃兮壑禽囂
軋林洧嘆兮超汗作嶒嶠
嶠鳴兮硯礪礪礪礪斷
嶠峩兮岫翕齟隱樹沓
雜蚺兮揅撕揅軫薦蘿
施檜兮澗草囊蘊鷗風
鷗鷗兮怒啼血暎矍父
猿狖兮驚透健隕鼎沸
焱焱兮鷗鷗風鷗風兮
改改麋鹿兮豺狼睠顧
兮以行歲暮洋洋兮嗟
無聊霜霰下兮北風颺
蛟龍逝兮螭蛇遊

山中人兮奈何羌長往兮攀桂樹以淹留

泰宇賦

為孫滑
縣作

爰有東海大人先生北遊於空同之野返駕於廣陽之

丘憩泰龍之館戲靈昌之洲馭輕飈以尚羊兮曳卿雲

之煙翺將高舉以猿驚兮游故志乎天外致明神之澄

爽兮乃精一是僊鏡吾之無纖翳兮闕

音穴霸音靈寧音翼辟

皎咸萬寂之涸會日月暎眴列宿逶行垂景岑黃荒勿

無疆夷

音瑤

歆礪之混澀渺阮沕以塊北緬積清之邵亢

廓峭

音峭

嶽音嶽

以旁魄倅翊鱗以脊

音戲

淳捺

音撥

蹄髻以道

甌奄靈怪之昆脾

音會

旅溜煬以泡燁爾迺前引壽華後

蟠燭陰左蔭肝揄右儼鄧林邈釗曠以寃良離襲馭以

穰闌

音分

揭閭闔而眈曜靈閭

音聲

營室而憚

音突

夜光慧

僂謫而耿

音切

飛廉鈇列缺而歲豐隆沛詡詡以封熒

倏煙

音迫

煙以彰芒闕崑崙而羣

音切

符禺蹶泰戲而

掌空桑跪夸父而搢卬峽頸帝囷而俘大逢訝育遺而

洗幼海罇

音虎

鯁壑而欲

音匣

流黃碎五嶽以兌銓灋澗

波乎九阼珥明月以為縣綈赤霄以為裾沓纁翹而曳
虹暈帶貝葉而攝雲霓冠嶄巍而鉅音它虛蹻徑不周以
少留浮氣車而逸神馬表乘黃而服馭駛使鉤辰按轡
頽女為之御青龍銜光以燭衛白虎擁鉞而先趨熒惑
司法以警道太白斬關而建旗蚩尤之倫璘璣煥耀以
吐煙捷雄戟而荷垂雲抱雷鼓而震天陬檻環拘而踐
囂圍斲天愚而轢泰鴻齒欽鵠而貌音昆略攬虔山鼓而
摺計蒙臂巷澹而搢據比挫陸吾而阨驕蟲扶英招而

馬列蛸鏐耗臚而殊奇魁澈

切 匹妙

六合之鴻浸瀉九域

之紛滂聆金鐸之磅銀簪

口計切

赤舄之委蛇黨姬文而

鑑哲髯偕高密而閑重華祖伊初而援青陽將栖跡乎

黃帝之途優哉游哉嗟吾泰宇歷萬世而誰何

水亭賦

太原王公好水亭客有美而賦之者曰伊彼翼野參井
攸分旁戲漫疆崢嶸困繫泰清浮三淵氛縕鬱律霞
駸綺紛暎暎蔽靄含陰吐陽若鬼若神迺毓岑靈挺休

哲擢方英考隱澗石撫幽泉野爰構水亭汾堤之下傍
引深瀾上陰苑柳渟泓派澗綠幄密偶石戶壤父此焉
託處若迺春陽告謝朱夏騁途炎飈歛烈熤爚燁霞翳
羽蓋鳴翠騶祥鸞鸞翔乃先驅爾其珍瑋美沓其
阿瑤草翕輓蒙其巔麟角馴擾遊其後龍鯉出沒涌其
前於是召鴻生延給叟陳樂方命罇酒錢鏗辟穀以蟬
蛻羨門服氣以蚰虬玄鶴二八降乃天隅延頸長鳴飛
翻迭擾雲光殊覆赧綵四興紛紛輪輪合還杳冥於是

為鳴鶴之歌曰曳僊衣兮何翩跹來廣漠兮集層軒壽
天老兮歷萬年又歌曰涉沆瀣兮緝荷亭覽日月兮東
西生鳴鶴且舞兮希泰齡嘉至德之昭曠應皇運以來
臻奠珍璧於清壇薦馨香以摠誠介茲景福縣如岡陵

崑崙山人賦

粵唯崑崙之墟跨乾樞兮幹不周崕厲萬仞為帝下都
羣神旅遊爾其磅礴顙顙巉峴峭弼鬱紆繆泡槩泰清
摩赤霄昉昧靄颺或黯或寥鬼神髣髴莫之能要赤淵

繞其南黑水流其西汨瀝陲潰觸於窮石放乎海湄迺
有星宿之野溫泉之渚渾臍爛煥雷响雲擁一瀉萬里
蹶葱嶺縣龍門斷底柱寢名藩波汰膠輶迴狀滌灑榮
光四塞郁郁紛紛靈胥走水蟲喝龍伯翔鮫人竄於是
穆王之子感而生焉倣儻綽懿崛竒雲峩目如電光氣
若虹霓靜則淵停行即風披孤立長嘯天門洞開迺竦
吸雲之冠佩飛景之劍御翠黃之乘詣玄英之館命玄
武以開關兮坐大行伯使當兵轢巷塘之倔僑兮碾磬

礪而扑攬搶踐蛩螟媾奮獵獵之雲旗兮熏池訶堽撼
雷鼓而撞鴻鐘梁弱水之溺溺兮檻離朱之榮攀玉檻
以窺九井兮下無垓而峭崿涉跡僊圃游目靈岑封巖
詭赴離石斜蹲塌疊天顏倏跼雲崩獸則開明人面殊
形九首狡音厖吠豹文純擾鳥則白鷁鳴鸞鳳翬騫
蒙綵戴岐雝雝嫺嫺瑶碧之草玕琪之樹呈葩露色燦
彰岡阜凌倒景食赤霞濯華池戲玄洲吾順風以遠馭
蹇將遊乎汜林誘畢方便先驅兮走蝮犬之狺狺略窮

奇以逶迤兮問據比之尸爾胡為乎作神姦夫然後背
帝園緬離侖歷沙棠登玉山於是西王母出而見之觴
於瑤池之上獻錦組百純黃玉二鼓毳光散亂奪人心
目乃為之謠曰君王八駿馳翠幄白雲在天岡陵出今
子千秋尚復來何以贈之黃竹曲穆王之子畚曰嗟予
悠遠在東夏山川間之石磊砢吹笙鼓簧心苦悲何以
報之復而野王母再拜謝穆王之子遂驅升崦嵫山乃
紀迹於其石

廬昆山賦并序

廬昆山即古巴嶽也為梁蜀雄鎮俯臨巴江而其上多名觀產僊茅長慶中有服之者輒仙去銅梁張公愛其崑岫陵嶠遂自稱為廬山云夫山川淑氣蜿蜒蟠鬱窮極弗勝則鍾之而為人詩曰維嶽降神生甫及申大雅所著於是乎足徵矣公瑰偉魁梧職任簿書才兼藝翰神理清暢妙絕羣倫意者廬山之秀篤授之公天或動之朕非默令公取以自謂哉僕不肖猥侍公顏範偃仰

締思聊著斯賦下里之音諒見誚於郢匠焉爾其辭曰
粵唯壚山之不可隱護兮旅億類之鴻紛軼岷漢憂其
無儀兮宰浮歎而齟岫道紆回之鬱嶮兮踐危石之岵
岵偪蟬咷而下閩兮三江分流泓沔而並入巴流浣澶
以回薄兮竟纚山之縞帶汨潏滅其曄鱗兮砭興聲之
瀨瀨濫泚泚而長注兮消洶洶而橫厲沫湍湍以曾沸
兮填轟雷之磕磕勢觸隩而互踰兮欵蛇漩而引會颺
噉响而澎湃兮擲抗激於天外礫礫濳濳之灘潭兮波

潤潤而淪瀾衍曾渾之盤渦兮洪濤倏起而排山氣滂
渤以磅礴兮象雲霓之搆天藏靈異之有無兮何變化
之可詮傍睽遠視肆於無際下自山岬上干絕巘礧礧
岝峿峭嶮嶮嶮盤石硨磲錯牾還會岩巖還岬岬疑厓
隤嶧嶧離隤迤邐相追狀若禽翺或象獸舞駢駢齟齬
拉蹠樓虞條池碩泐增復絡繹崆峒蹲猊崑崙石龜逶
巡蒼野出乎其下歟嶮崙巖郁郁芊芊截如雄虹嵌壑
飲川俯瞰澗底窅冥點沕長風中號颼颼蕭瑟虧岸澗

澆俗徧鳥獸屏營起忽慄魄爽魂令人煩慙不可具論
膚寸之間雲氣歛起變態橫生輒張徙倚紛紛輪輪若
降於天若麗於人視為旌旗舛即麒麟幻怪百出伊孰
與隣爰有崑崙靈室谿澗屈蛄洞天勿密涓滴成響燥
熱生漂蒼玉磔硤僊茅葱蒨駢闐翳靄委乎厓畔爾其
山陽漫羨廣衍芳草碧滋秋蘭杜蘅鬱金江離烏蓮艾
網香蒹離披酷烈四暢醅醇芬沛風流雲蒸黯藹轉會
若迺陰崖壞木羅生爍熒爛熳燦若天星久視不去盲

人目精楓香竊歷滋液沍醺盧橘垂房連卷磈礧雜華
紛糝隨風靡疊矮會惘散擲澹澹紆隄婀娜殊態異
觀杙杙嚶吟聲似笙竽蹶赴詭變愴神銷精蚩怙失衍
逐臣銜玦放子被訕勞積曷已投血增歎於是春氣融
洩羣鳥飛還便翮刷羽嚶嚶嘒嘒雄鳴求雌往來其間
鳴鳩負雀鷦子桑飛雋周竊脂天鷄聯翩翬彩彰絢遨
遊乎山顛至若宛隆中絕崑崙斜赴樵採不通猛獸騰
驚驅猢猻兕舐舐猧顧猿狖輕矯競遊遠枝千尋獨往

邈莫與期傍徨孤嘯使人心悲僊遊之輩廣成赤松羨
門若士吞石休糧御風凌澍蕤雲旂翳翠蓋藥倒景上
下霈慌忽汗漫周游無滯於是嶽感川迴天門洞開期
應五百精徹上台降大人於遐陬兮倏颺起而神駭泰
乙禺嶢烜烟以仿佯兮青龍蝓蠖灘縑而髮鬣霽熒熒
以翁霰分焚鬱律而渾胚沓爾陰歛豁然陽炯霄停雲
聳鸞翥麟披岐嶷倣儻淵璇韡偲厖皇淩瀚崛略渺瀰
飭太陰與搖光兮揉旬始以為旌赤燁怒之眦顙兮戩

熒惑而轆轤槍蚩尤矐眊以警御兮伯僑之倫脅閱掬
喙而迅征遵不周涉玄冥排閭闔遊廣庭睨威鳳於東
廂歛翠虬於西清於是天子迺命太卜擇日請見太輅
法象建太常綏鳥羽鏗石鍾抱靈鼓紹介之士一日之
間螭屯魚麗陟金馬登石渠虞清問待公車紓國瘁察
廢滯規憲章資輔世夔龍揖讓圭璋交輝以臻乎至治
嚮非茲山之靈發毓奇秀惡得有是哉

嵩陽賦

為汝南劉
嵩陽作

楚王北遊登崇嵩之觀嵩陽大夫侍王迺涉蒙茸履鬼
歸長御遠睠汜濫無際顧謂大夫曰壯哉山矣寡人於
茲殆將脫屣邪嵩陽大夫曰大王之言誤若臣者始足
與憩焉爾王曰夫山畜洩雲氣萬物所祖無貴賤遠邇
皆好焉子大夫私之已有是何厚於自待薄於寡人邪
嵩陽大夫曰臣聞之傳記鵠鵬搏雲鷖鷗悅羣物各有
適故其所託者殊焉王曰夫寡人舍此將復有說乎嵩
陽大夫曰唯唯夫嵩維巨嶽極於圓祗之中橫帶汝潁

崒隄於氛霄之上緣清霽之薄盛乎翠虹之嶂爾其三
十六峯二室嵯峨靈巖浮歆隆豐岷岵鼓輶互分峴倚
傍迂遽條偃蹠行者中于久之拗息汗脅增思若夫甯
阮絃磬虧澗無底窈窕宵冥長風颭颭扎軋呶詈流離
轉散髣髴松聲天雨新霽萬壑濯瀨湍濤滔汨澎湃雲
噉礧礧疊響欬欬鬼怪於是離鳩掩羽豺虎驚蹙慌忽
謾台悚息川谷此誠山精魑魅之所穴處竊恐大王不
遑託跡於此也王曰敬聞命夫大夫惡得獨憩乎哉嵩

陽大夫曰臣少遊上都親侍諫垣陪列公孤尊三王貶
五霸揖讓於魏闕之下爾迺南箕揚舌青蠅點白即墨
膺讒時人灑血解圭組脫鳴璫辭金墉凌風翔飄然遐
逝迺昇乎高高之陽故其怡神育靈則攀緣嶽峯傍眺
瑤城陟乎泰清盡足力而後返於青炎之圃徘徊於松
桂之林激嘯於汧水之澍將折若華之英蕤江離襲幽
蘭帶楚蘅猿狖媒於左麋鹿擾於右逍遙容與精神益
壽然後檢搜巖穴探飲玉漿壁壇鳳笙銅鈹石服希瑞

呈露娛樂無方若迺王喬控鶴於林間密公失路於霧
外少君捧節乎雲中劉根抗絕於人世莫不偃仰羣笑
馮虛軒輊臣雖庸駑與通紹介故夫龍門三臺緱氏之
嶺皆臣往來遨遊者也夫大王擁千乘之器妃嬪珍玩
之御不輟於前焉能避世長往哉王避席曰寡人不能
也子誠為嵩陽大夫

梁苑僊人賦

有序

趙王客李九河同王崑泉飲周孔問園亭時余在坐酒

酣談兎園事感慨悲恨有加焉於是徒思泉涌藻筆雲
綴興之所至遂成短賦辭曰

仲秋之朔顥氣既夕激風頽波微霜淨石凌九河揚崑
泉周子乘葉浮丘垂竿於是梁苑倦人感焉被災洲之
翠羽兮綴丹浦之明璫翳青霞之弗靄兮乍有無而離
光褰裳鳬汀濯足鴈浦燧若昇霄翩如振羽風流雲停
放乎泰宇爾迺步虛蹻於冥壑貼壁立之翠屏歌青葱
之玉樹颯參差之鳳笙輟輕矯以傍駭泉寬泐而小聲

於是螺璋盤舞龍嶠斜帶百仞嵯峨殊絕異繪採珠濱
之紫淩鏡具水之朱華冠天嶠之雄虹蹴合沓之龜鼉
戲赤岸騰洪波弄反景揚清歌乘僊颺以如往澹孤嘯
而却在騁逸思於天墟寄冥心於人海雖炎光之已絕
乃江山之未改帝子逝兮驚風遊簫鼓寂兮埋中洲鴻
鴈飛兮自來去城角起兮增暮愁感滄桑之浸變痛園
林之愠休心一咲而如喪魂九折而夷猶慨人代之歎
習若靈雨之隆天卒長驚而不返何華表之千年予既

不能蟬蛻於茲溷濁聊將泛駕乎海上之僊山亂曰已
矣哉江河日下兮勢不可與為防非夫憑虛御風以獨
暢於九陔兮又安訪乎吾於泰鴻之堂

滄溟賦

有序

嘉靖時歷下李公以進士補秋部郎中自號滄溟蓋緣
公家近東海云博物志言海中有三神山濤波險壯倂
儻幻怪不可紀極是非王喬飛僊之倫惡能排氛乘虛
往憩之是非女偶朝徹之客惡能忘形坐馳存想之公

抱魄守寂超然神遊於物象之表遂擅乎是世之人知
礙於玄適名絕於靈紀方且因拘形有溘然與草木同
逝不亦悲哉僕受知於公既久使無瓌美申之賦頌人
將謂予為不知言於是作滄溟賦其辭曰

唯帝嚳之循臣若傳說兮精徹絳漢上騎列星的具闕
以炤彰兮遭危墟而效靈呬天雲俾翼蓋兮後枉矢而
轆轤逝兮非還擢兮非倚僚神變化莫究終始光氛
翳固天人崛起聳鳳質之苞彩兮撫龍翼而騰驤吾綴

函山使衝牙兮華不住以為璫既濯足於明湖兮又晞
髮於鵲陽爾其挾蒼虬窺海日歌雲謠薦泰乙遊覽乎
昊天臺徜徉乎招拒之館建素商之旃書青女之簡
上秋之末塊然自失恍惚潸漠神氣四暢迺觀乎滄溟
之壑左東極右青丘帶以鞠陵之阻浸以禺臚之洲東
南一陂西北一澗缶甄九河滍潞江漢百川漲赴瀕洞
澗瀼長浮乎天畔爾其始至也泓漑漑焉渾澎湃焉淞
灑灑焉矯若素輶縞馬羽蓋之沓翮兮又如白鵲之將

翔沫溟溟之高揭兮互踰追而往躔壁壘重軋不可撐
兮忽乎還沓似軍行渾渾沌沌淘淘泡泡拉拉跔跔雷
礮雲响砰砒哨蕙徒觀其淪演之所蓄滃飛滂之所激
射魚不得游鳥不得下湍濤灑雪萬里騰瀉夫然後凌
波谷捎滴山偃轡蹉丘弭節甘澗便旋豎亥之浦清剌
晏龍之川爾迺靈胥包戈水夷澄鏡颶風不颺五兩不
競靈煙清郭滃虛四映碧山巒嶢嶢兮象海水浮碣石
霞爛雲綺苔錦雜駁勢猥蟬以相襲兮壓層冥而送潮

汐於是尾閭岐分汀淤傍處存不浹浹灌池沮齟潭澹
潢潤湑湑淑嶼斜茨亂之潛澨兮綸組瑱而螭卷紛海
蘿以被離兮石髮綱撫而縈瀾何萍實之遼廓兮俛硯
磊砢焜皐乎窮埏菟奚江離葭蘼水松雲蔓陽厓風披
陰叢彩理豔燦擢華敷茸若迺羸蟀揚娟蛭麤翕葩紫
螭含光虬蜃偃息紫魴曝沙以如渠泛蛇乘流而覆笠
武羅屏首以蜺身帝江蹠足而歛翼竒蛭沉屍於曾泓
潜蜉吻以削血海童捐袂於枉渚鮫人織杼乎泉室

於是橫海之鱗偃雲叢薄天津翕髻甲戲洩深叔鮪鮪
鮪鰕歸魚紛叢貫龍次璨錯璘璣喁沫噴藻噓噏連淪
捷鬣掉尾隨波洄沉或躍脊而濺珠或開鰓而哈雲畔
漉漫於天光託亡是而為隣而其羽族則有鷓鴣鷓鴣
鷓鴣虞鷓鴣綵繆驚翬綃煥曳飛延鳴浮天溢岸搏
風揮霍蹀如裂漢轟割成響恢詭殊觀若迺厓隄之隈
窮怪異罟獵殺驢麋猎猎獬獬狽狽猗猗子力負麝
父捷稱山獬投人以顧笑諸犍銜尾而遐征迅蛙躡巧

於遠枝狂猿摘石乎山陁爾迺背空桑維風帆擢飛雲
涉廣淵跨渚毗弄少海汰波澄川后待天吳咄歛馮遲
颺躡躑喘濶沐揚靈渤澥闔闔輕舉泐消隆頽凌混縱
柅遶溟絕碕汭黃洋滄溼渺瀰惘慌習豁略無端倪
鴻鴈不及翔蜚黃不及駭脩睵電邁不崇朝而逝者億
萬餘里於是蒙煙幘被羽裘觀乎猗天之闕踐乎相繇
之區行乎決漭之壑陟乎招搖之丘瀛海為池碧津為
洲岌橫澣之慘竟垂雲之浮裊攬槍之偉竿緡明月之

鴻鈞靡雄虹之巨餌連六鼇於天陬窺景溫源啗霞員
嶠拂衣石林振彩雲峭優游漫羨乘風獨往以臻夫蓬
萊方丈瀛洲之奧焉爾其遠望離處峻嶒岌岌紫清近
登山趾反在水底岫岫巖巖螺黛煒繪鬱鬱煙煙金闕
璇室紫府洞門瓊琬不死之芝瑤岩返魂之樹駢田羅
列錯落乎其間若夫倥傯羽父之倫翳鳳凰驂麒麟戲
奢比游無垠乃邀余於泰皇之阪以觀乎窮奇之民略
玄股魚離耳延彫題覽黑齒登巫咸歷無胥飲帝臺之

漿擘蚩尤之旗玩弄乎夏后啓之僊是雖山川隔限於絕域靡不玉帛朝宗於天府然後乃知主上威德之所留誠有得於滄溟之偉觀也

余未作此賦時夢至東海上遠望山出海隅相去百
里或五六十里皆霄綺離駁金根雲牙照耀上下海
水振蕩若三韓朝鮮日本穿胸等國遠近環繞魚鳥
雲物不能盡述以故余作賦時即以夢中所見聯絡
篇什雖外加鏤刻然大約十得七八也豈余留心此

賦而有是夢耶抑亦形解神遊真入斯境耶八月十七日作此賦至紫鯨云云倦睡夢一人青衣長身以刀剖余腹抽腸出尺五許然其半未盡尚連絡脊膂而所出腸彼以手握之盤結如盂瑩潔脂肪中微有紅黃肋膜然其人稍挽之覺痛余以手摸腹曰汝手乾澁當渥之以水若油使滑澤可入腹而其人曰啗即以水洗濯之置腹中遂醒夫是二夢前後雖不得其朕然亦大奇矣姑記之

嘉禾樓賦有序

嘉禾樓者明府銅梁張公之所作也樓在滑之西門上
壞僑巨麗為邑偉觀落成時有獻嘉禾同莖而殊穎幾
數十伯本云是樓西畝所產異者夫符瑞應德斯至故
昔之治化隆者芝生庭木連理黃龍翔於沼鳳凰巢於
閣麒麟遊於園張公宰邑三稔政和民裕道路以歌樓
成而嘉禾至亦何怪與三國時吳會稽嘉禾生改年嘉
禾夫是樓以嘉禾名蓋亦古人造物託始之義云爾乃

援筆鏤思作嘉禾樓賦其辭曰

粵若稽古維明蜀有大人先生崛起命世撫厖鴻而凌厲兮紹曠迆之奇芬擘清飈以遠遊兮啗滄許而搏崑崙借劒闕揖崆峒絕轆轤指燕京振羽天衢馳聲中夏儻旌濮陽遊刃白馬迺尊廟略規九野履坳隍雷駁而風行緬天險之莫階兮悼西門之墜營觀櫓叨憐之惶切兮萬夫仝關曾何足以當兵吾恐公輸之捷巧兮豈弛帶之易勅於是羣僚闡議小史獻謀髦倪逌縈勗茲

呬噓以相與成序神明之樓據厚坤以特峙兮象雲氣
之構天操參旗以繚垣兮緡東壁而軼三淵埒帝神之
奧區兮泡燭煖而璘珣偈夫帑首帶干將而跋四維兮
闌巖峙而俯嶺岼馮驛驛以魂魂其相奮被兮欵凌霄
岑融以駢田離樓第鬱紛沓還兮礪牙天嶠鳳隰而龍
翩旁唐堦岵畱疑礪礪兮畔漣炤瀾奐而便蠓狀若碣
石之蔣蔣兮又似序巨鼇載員嶠跼迴川於是屬輿乃
齊夫城隍兮而曰華振帥爾層觀兮灕零蜃蜃霍濩晶

軒起星流以電熒兮觸罍瑣而排金扉
檐窸窣以陰處兮洞豁豁之離奇
嗒砢砢其雷殷兮颺凌兢而增颺魄
脅聞以冥暗兮眴北南之軋塊
徒號號之恚恚兮精憧憧而潤漾
憑軫軒以流覽兮紛譎僂而殊狀
爾迺萬楹攢渥礫何連仍飛朱虹
繞浮柱雲征芝栢碣磊穹廡傑
僂拉錕偃僂枝掌糾會窺天窓而
結綺疏兮翠玉樹之千尋垂藻井
之芙蓉兮涵綠房而曳連綸鏤太
華之岳岳兮巖巖鬱鬱嶺嶺嶺而
嶙嶙流水滄滄漱澌澌於其下兮

汨溟溟乎龍鱗虎豹狷獨以陸梁兮熊羆舐舐而血斷
螭龍躩踞於碧巖兮螭蛇蚺蚪於挾振爰有王喬飛舄
赤松餌玉若士竄肩羨門乘鹿據重桴以危處兮倚蜚
柳而曼睞凌虛險以相狎兮若鬼神之髣髴錯絜珍怪
品類竒英千變萬化窮極海宇隨色賦形爾迺表以通
天之觀突以凌雲之臺建以靈變之鼓扛以熊虎之旗
賁育之倫仗鉞幟楯陳視乎左右騰躡乎上下者不可
殫計蓋王公設險以守國足以藩主上於億兆載也於

是天地煙煙煜煜紛紛渾渾儲精洩靈肆乎無垠戒義
和以警御兮飭青龍而走太陰澍夜氣之灝灝兮焱朝
霞之燄燄流青雲之靄靄兮灑玉露之沄沄焚輪轆轳
於豕韋之壑兮沕決滲纚於河之濬岨乎鮒鰕之畝離
乎天臺之樊被沃衍之溝塍兮挺嘉禾之秀穰茂一莖
而兩穗兮蕤蔥穡之奇芳苞金粟以岐翹兮勸偏反其
光半散粼瀾蹶仞邈以長鶩兮却偃起而回翔婉若神
女之照灼兮施豔彩之章又如綠雪之靡漫兮薄翠岫

裊陂塘若迺霖雨新霽原阪始溉承以朱明滋以沆瀣
琅玕青瑩翡翠翳攢暈雉朝鴈以往來兮摘錦翼之陪
鰓皇螽負蟻詵詵殷殷其振羽兮跽冷響而煩哀田畯
鼓儻於桑中兮遊女採繁忽乎鳥舉而雲迴蘇墳薄之
累遷兮聚困匱之岷嵬曾城瑤柯何恍惚兮杳玉榮之
莫見碧珠貝葉不足與炊兮珊瑚仳離吾又奚取之而
為爨歸禾詠赤舄之姬公兮濟陽開禎非夫萬乘孰應
期而紹漢隻千祀之夸美兮緣茲樓使再珩繫君子之

孔良兮輔陰陽而捫判巨靈紛總總以傳傳其來翔兮
相抑偃頤顛顛而承闔路挾斯之麗譙兮擗白雀而釗
羽林揆夏后山川之嶮巖兮崱二嶠隘孟門二嶠徒西
阻於鷄首兮孟門曾不得扞乎靈津曷若神宇之揭崿
兮拱魏闕而嶙峋爾迺嬰天槍殪旄頭挫蜚廉摺蚩尤
廟貌之所歆動威稜之所昭留東漸滄海西被太蒙南
麗丹穴北馭空峒披髮左社之民藁白雉縻騶虞縶
叩絳馭馭縣車裏馬出於遼遼之域享獻乎明光之廬

天子乃乘鸞路駢雲螭綴明月橋虹霓柴園丘燎泰虛
招帝閭兮天門開跨不周兮騎轟雷風颭颭兮神靈致
御馥芬兮醕玄解福穰穰兮橫岱嶠天人歡兮衆聲嘅
祥風吹兮雲靈霽垂鴻聲兮彌萬世

雲濱賦并序

鶩熊之墟雲濱父居焉棲身嚴戶放志滄浪超曠之度
方之瞿矧子真之流莫能尚已近時諸大夫各有篇什
僕辱在草莽承風操翰聊為古賦以紹公孫嘉遁之製

云

楚山碧巖倚嶮嶮今象圓海浮蜃闕朝暎夕濯今滋翠
蝨蚶窮石北塊瀕洞今邈不可越嶙嶠嶢嶢泐翁危巘
蔽日而干霄降逮山岨礧礧磳鹿角傾碕贛浦續撫
於其垠兮彭蠡東注而雲沱溢鱗長逝潏泔渺曼潏
溜濺湏淀吐吸踰岸互會斜沙渾之滌徑莎灘之隩如
此者幾伯千處焉爾迺翠幄嵐構蘿壁風褰芝宦椒塗
錯落煙雲碧津離樹青輝玉葉丹莖承霞素房垂月稜

隕輪硯隨風歛鬣九臯之曲虞蓼都良芳若蔓荆薜蘿
不草蒼蔚羅生苔錢離駁綴若華星郁茀必烈隰滿陂
平外則岝沱漫漫羨菱蒲續斷蒼翠浥雲香無圻畔至若
白沙如龍碧磯如馬點屈蜿蜒在波之下水鳥鴛鴦
鸛鵲鸚鵡鵲鳩搏流飛灑弄景潯陽延鳴鉅野蓋將
指瀚海以為池望廣原而解羽也殆夫暮秋沈寥霜洞
溪清槎江晚兮雲葉淨螺湖夜兮月華明坐磐石調紫
笙吸鳳曲舞潛鯨猿啼北華鶴唳西平鳬客流思鮫人

吞聲少馬蕭瑟風駛水涌潔瀟磅礴濩濟犇觸萬籟俱
動仿佯慌壑令人心恐是誠龍盤於冥陬蟬蛻乎煙隴
爰有東郭谿壑之倫貌沛天虛靈含素真扶筇被羽嬉
遊絳津垂竿魴鱖加弋鴻鴈臙斃淪脾臍鷃截膳斟雉
芳羹彫胡碧粳蔗漿縹清玉醴紺淡集讌於昭霞之宮
披酣於苑風之圃浩唱乎倚天之臺張樂於洞庭之潯
乃左覽清極右睨范林泐石封嶼翕葉藏珍超然神往
永此抽簪將遺珠於丹水遂埋劍於崑崙豈徒逐二女

於湘浦抑將窺禹化乎海濱於是江妃感焉見於碧渚
凌波媽笑逍遙容與非煙非霞若雲若雨奇色麗質瑰
偉曠世順微風以翱翔向江臯而解珮為之謠曰白玉
鏤盈瓊為漿飲咏沅水雙鴛鴦冰夷賡歌曰蓬萊欲渡
海水深麻姑千載絕華音雲濱父報歌曰協僊靈兮遊
汗漫日將杪兮倚增嘆駕予舸兮凌赤岸胥鳳德兮垂
素翰

遂虛賦

姜次渠鄴之良郡貳為要路所忌徵入部士民傷之因
有斯賦詞曰

丙辰暮春壯游鄴都超反隕履平蕪羊腸走險鹿角通
衢蕩陰開其南邯鄲倚其北左引衡漳之浦右據太行
之塞誠京邑之藩屏霸王之區域於是鴻風昌慶雲蔚
大人起神龍會決闔闔兮叙長雲瀾四海兮歷河濱
韓陵兮俯洹野戢亶甲兮紹前芬若迺承流三輔翊戴
王室目牛無全害馬迸跡春秋郊行生物蕃息士女謳

歌鳥詈翔舞式乎四國爾其優游暇豫退食在公瓦雀
行案山鳥下廳青苔繞戶綠樹垂榮窺明月兮虛堂仰
浮雲兮太空佐卧治於淮陽資芳猷乎廣平誠希世之
哲匠乃邁古之化工爾迺梁父鬱興三塗並起靜無寧
波動即覆軌蒼蠅鳴白黑溷市虎張真偽眩巾征車之
闐闐兮去東陽之舊疆歷鷓鴣之荒陂兮趨爛石之峴
岡虎澗罷嘯龍山茂光瑤草就歇玉琬橫傷風淒其而
啓蓬雲翳鬱而飄揚玄猿絳猨睢洩鞞踏排林蹶石羣

呼狂驤於是賓北門張祖宴諸侯來方岳餞征馬鳴雲
旗亂笳鼓競起金石交作絲簧迭奏絃絃惻惻悵悵圍軋護
護發言為酸振衣為喟左右淚落莫敢仰視豺狼嗥兮
路垂鴟梟鳴兮林間欲往從兮不可將獨處兮懷愆爾
乃君門萬里一視無際天閣攫人闕噁鼎顛虎豹環繞
明月嶼兮珊瑚洲檻朝霞兮不可見窮四海兮焉求翼
神龍兮來過鳴鳳凰兮庭柯桂樹兮又何為兮淹留聊
出隱兮與堯舜而賡歌

龍池賦 并序

魏郡少方伯太原王公雅好龍池竊考括地志圖稱龍池山四方隆表窪中多水有龍出入食五花樹公以此自況其玄德獨尚良可知已然負珖琰之器者必厲遏雲之響柝叨居南鄙濡公德化苟非闡之以辭後將何玩焉於是聊著斯賦以暢公美其辭曰

黃帝莽漠之野龍池之山彌襟帶而杳鑿兮左禺隴右崑崙北繞三桑赤澤南馳九疑緡源鴻紛未歇蜚淳沸

鬱玄津在焉若夫論其為狀也究其幻怪也爾其區域也則雄嶽磅礴方七百里嶒嶸嵒嶂屹岵岵翹踳蔽壑連峯負闕韜日隱輝藏精畜洩熠虹飲雲木魑嘯月鬼神恍惚若存若沒乃有碧樹抽煙錦草結綬五花爛熳九芝並秀瀑纍以舐放乎川藪鳳鳥之所嘯歌神詈之所遊遨於茲託處者什殊八九焉於是泰洪擘其厓康回絕其絃天吳貢其波江胥湧其靈神濤涵淳翠浪連滌疊如紋羅澹若空青涸瀆洩湫淵還激泓挾輕颿

以長逝折崿碧而返觸矯駭天之羣龍脩決雲之雙鵠
少焉安翔寂寥徐迴如解軍裝泌泌淠淠湫澍乎砢隄
若迺水藻披紛於陰崖石髮捎髣於陽渚綠蘋承流以
委猗紫潏隨月而容與莫不呈華露色或浮或沉髣髴
江浦至有紫蚶珠蚌潏潏文魴鱖鱗鯪鯢鯢水湄優
游澄深儵往忽來逮夫朱羲既明精淫上漢散為朝霞
靡離爛煥圖靈學僊翔麟狀鴈變化嶇崎測之無畔故
其神映遠田潤捷木之東葉影扶桑之西枝飲夸父於

後溼浴昆吾於前涯嗟太液兮黃鵠散驚華林兮連茹
稀愁積草兮珊瑚晚吊疏圓兮明月低爾其層渾之淵
洞溟之府有蜿蜒若龍栩栩俟俟赤帶翠鱗鏤髯豐輔摛
藻繪文章采欄絢雕琢璘璊烏亦外朗青熒內分蟪蛄
輝瓊連蛸蚪蜉不可盡論若夫騰池表溘清埃馮太虛
驅轟雷霖四野徧九垓貫影河津掣電海嶠煙煜灼爍
沌混却照遠而視之似神女遊朝陽迫而察之如若華
流景光蔚兮銜燭耀鍾山之野隳兮啡漿涌夏后之堂

於是豐隆警轡虹蜺衛趨飛廉清驛列缺候塗雨師舉
水族戾神螭挂虎蛟嘅王珖沉鈎蛇械雷兕殞蠱雕鍛
授軒轅之符構女媧之精效有虞之璽負神禹之艫豈
徒躍劒於延平委杖乎葛陂雖飛聲於僊館終見誚於
龍池也迺感穆天子之事起而賦樂池之歌歌曰軼八
駿兮黃竹西秦廣樂兮臨玄池水粼粼兮失龍螭誠荒
淫兮何所為又續而為飛龍之謠謠曰濯滄海兮欸翠
翰錯金碧兮絕紅蘭遊淶池兮戲層巖乘九五之嘉運

吐赤文於瑤壇佐哲慶以典樂為聖后之納言君寧批
徑尺之逆鱗願燦耀於瓊編

夢洲賦

趙王遣使幣聘盧枏往就見之王命坐諸客上曰叢爾
小國屈先生以言竊聞先生遊遨大都薦紳之士往往
構先生賦有之乎對曰然有之王曰奚賦耶枏曰鄙人
朴質蒙侍君子於羅太公為雲濱賦王別駕龍池賦董
封君邃養賦李郡伯滄溟賦張戶部壚山賦陸大人作

夢洲賦既成大夫亟有所稱賞而王未見焉王曰可得
聞乎曰歲重光赤奮若之夕中州大夫晞嵩高俯河陰
坐述玄之堂感牛女之故精神恍惚如將飄舉青揚微
婉黃氣四湊乍若有喜不可究攄少焉就寢夢見二客
造焉褒衣偉冠粲目貝齒進退尺度貌甚閑雅翦刈籍
草坐棗樹下擢素手弄瑤芳薌饒碧飲寒漿極妙思樂
無方爾迺乘鳴鶴之舟遊赤岸之浦超凌虛之樓憩飛
雲之檣髣髴杳冥若出神怪修容長髯見一道士延予

升堂體貌備至言笑甚驩殆昧平生詢之氏姓疆曰伯
靈舍舟而途概三伯步石壁巨閣輝搖光燭扁稱瀛洲
寔多僊駕爾其為勢也擬其為大也磅礴轆轤研干
仞嶽列崢嶸脇施邈倚緼隆豐柴岷蠹虧負遠而視之
渾渾焉胚胚焉氤氲焉怙巖巖焉崇岳岳焉煙煜濛濛
浮乎漢表迫而察之崢嶸離纒反在水底蓬萊峙其左
方丈峭其右員嶠陁乎水涯方壺甕而不收其陽則朱
羲清華盛夏凱焉其陰則玄靈溫風隆冬燠焉是以山

峪魑魍之所水府龜龍之磧夏后方貢之未專大章神
度之尚洙爰有瓊璣赤瑕藍田江珠琪琬琅玕之寶祿
碧璀璨蔭乎玄濤草則石蘭木芝荃蒞江離蒲葍菱藻
鷗綬綠莎木則槧木若華榕櫨豫樟枌梓押青梭櫚沙
棠扶疎欂櫨被乎西東於是珍異之禽神怪之獸則有
鳳凰鸞鷟鷦明鵲鷓鴣鷓鷯鷓飛鳴翺翔戶豹咆黃能
驚麋麋羣蛙攬顧其水濱則有獼獼水豹蛟蛇石鱗龜
鼉蜃蜃魚鱉魚鯉莫不噏喁淫溶啞嚟菱藕閎汜幼靡

或左或右於是徑掛狽之岩涉通靈之澗跨文石之橋
謁玉虛之府長髯舉方師會命童子設饌具乃有苦醢
之羹勺藥之醬滌菽肥膾九醞鬱鬯炮鼈寒螬燐雞酸
雄山麋貍豹之胎水蟄鰭鱸之腴腥菜錯異豐融苾蠶
千態萬殊凡所以滋神魄養血脰者充乎四隅乃使師
涓鄒子之徒截孤竹制鳳尾控素頸流纖指吸朱唇離
皓齒玉呌發龍吟起激清商靡流徵泣嫠婦慕放子開
九陰除積匪大音未希列絃奮蛩拍挽逸響小大互比

武毅揚北音滯蜚廉馳泰一嘅聲盤姍以隱約執迅突
而爭鍛嘆壯士之不返信猛厲之可喝招屈原於江潭
起隋武於湮隧雖忼慨而莫覲其人徒心神為之搖旆
忽東方之既白覺精魄之未沫一歎而寤筆之載記趙
王曰善賜之絹百疋玉二穀文馬一乘盧枏攜之歸衛
上

九騷 并序

九騷者濟人盧枏之所作也枏被誣抵法逮繫詔獄

十年餘上官考驗率避嫌弗肯原庚戌平湖陸公宰
邑治政廉明為法不苛察其寃平反之今年秋以不
事權乃遷南京祠部主事拙痛失所天不勝其悲哭
別離之思於是作九騷以據其志云

嗟夫山川之鬱塊也膚秀兮揭日月而載光矯節兮若
出浮雲凌厲橫處兮超未央發軔兮聊將與行決轡兮
徑度乎紫宮翺翺容與兮園視之無垠踰踰攘袂兮扶
巖而輔新釀化兮士女要藐而流誦聲歎逝兮物愛之

不可懲惘愴兮而私自淪雉漸漸以飛雖兮蟬噫噫而
搖鳴驚翩翩以窺巢兮蟋蟀哀響於戶庭悼犬馬之餘
齒兮荷君子之明馨仰涓埃之無報兮徒嘔裂乎血衷
獨竭思而忘寢兮若羈旅之無雠隣望南雲以慨嘆兮
心搖搖於旆旌

右一

痛世之巖嶮以詭襲兮倂徽纆而枉度謂騷衷之奇驟
兮轢羈之使薄此陘路夫騷衷諒不有於羊腸兮鞞馬颺

以負驚慨造父之不若是兮或今之人善御黃鵠一息
千里兮夫豈爭食於鷁鷖聊濯羽於枉渚兮終翩翩以
遠去顧泰龍之捷巧兮視神物如犬羊儻奮雷失所處
兮悵子立而催躑苟大人非可乘兮胡為是之渙忍臨
池水以凝睇兮又何殄此軒冕吾奉堯舜以為君兮忽
不知其巉巖表獨行之耿介兮歷九折而不返伊贄負
鼎以康后兮甯戚飯牛而商歌儻斯民之翼奔兮聊折
節以委蛇騷衷逝兮玄闥黃鵠翔兮紫氛觀者浩歎兮

如煙跼馬睠顧兮河瀕夫神龍蚩蚪以行天兮非倮螭
之匹倫固將視之澤此后土兮終迅往符吾所云思江
海以為竭兮涕淋浪而橫集願附君之車塵兮身窘東
其未得俟結草以抒忠兮何枯骹之足惜恐年歲之超
冒兮旅糞壤而無益

右二

吳艮發伏兮擢翠翰秋風娟娟兮吹河干鴻鴈嘹唳兮
絕羣難徘徊翔視兮血汎瀾涉衡臯兮辭遠客菟瑩瑩

今將焉薄捐珮兮洎許結長想兮江之嶼願留斯須兮
惠我語君不顧我兮苦復苦極羽逝兮沒長雲望不見
兮涕橫紛攬浮颿兮不可襲立沆漭兮長太息超既邈
兮中莫恤精淫淫兮增惶惑落日恐兮絕響歸來兮申且
昧之未極

右三

竊獨感此鳳凰苞彩之九章兮揭重冥而離披覽冀州
之有無兮舞德輝而下之顧斥鷃之盱笑兮彼亦奚知

夫鳳凰之所訾將無量於蔽詬兮
焱振羽而高翔心隱憐之惋恍兮
固無俟於君子之見明特滑鬱而緘處兮
中憊惘而無傍余陟岵以望君兮
君之行已云邁眺白雲之髣髴兮
儵幻擾於江介山巔屹以橫厲兮
水淥淥而縈帶羌神往而形留兮
極勞心於天外諒覆盆之曠蕩兮
繫日月之大明垂照之無已兮
永篤恩於夏蟲

右四

闢白門以周覽兮邈秋氣之汪洋
悲梧楸之委約兮葉

於邑而有霜。撒朱夏之恢蕩兮。然怊悵而不平。六龍杳
不可頓兮。王喬遠又奚足與存。日暎曠以下春兮。月載
魄而上營。歲崢嶸以不處兮。老冉冉而相循。奉不肖之
賤軀兮。歷四十而有七。恥功名之不建兮。幾墮身於鬼
魅。枉浮生於斯世兮。終佯狂以自適。繹大命之所由兮。
託深衷於罔極。擘清颺以寄悃兮。飛廉誑而莫將。因贈
言於黃鵠兮。喟余又不能高翔。羌媒絕而路遠兮。志纏
鬱而弗彰。立蒼莽以竚望兮。徒結想於微茫。願假跡於

楓葉兮流洞庭之煙渚常宛轉於舟楫兮得見君之容
與蹇儻偲而弗進兮悵疚心而齟齬

右五

繫余幼感慨而好嘆兮矧仳離之多故款賓從之動容
兮懷征人之往路日淹暮兮風颼颼吾登長隰以騁望
兮君始沛乎方舟貽貝璐兮捐明月吾與君期遊兮江
之沙思溟滓兮旅璘璫吾欲自遂而趨往兮徑絕欲寬
頸而愁處兮無隣然中道而督曠兮忽不知其所從羌

疾心而反視兮歷肝腋而抽誦顧愚款之難變兮信常
揣乎丰顓竊仰北郭騷之抗行兮盡一飯之奇報媿駕
蹇之弗違兮恐斯名之未紹夫梁父之非所乘兮東海
余莫能蹈馮鬱邑其害已兮乃扣衷而自劬食草澁以
為飽兮御毛褐以為溫朝臨澗於清流兮夜託宿於孟
門遵市南之先軌兮揖伯夷之清芬將要之以沒齒兮
奉君子之玉音愁疊疊而無端兮思嬋媛而不解龜髯
髯於江漢兮願朝宗而赴海

右六

慨美一人兮，倏遠遊，翱翔凌厲兮，臨河洲，迴撓眇眇兮，
心夷猶，鞅足無聊兮，若失好仇，沙棠舟兮，青雲幔，朝黎
陽兮，暮淮漢，決層冥兮，送蜚鴈，蹇誰慕兮，淚如霰，彌余
背兮，山之左，雲英英兮，而來下，瞭千眠兮，塞原野，挑飄
颻兮，君奚舍，采芳杜兮，礪石林，霜靈靈兮，雪紛紛，惋惜
憚兮，倚莫贈君懷，我兮，思不任，滄波之臣兮，渺煙檝，滕
魚龍兮，食海月，我思君兮，阻天闕，虎豹咬兮，熊羆咆，鵝

鷓鴣鳴兮夜怒號風颭颭兮山木寒思公子兮增離嘆

右七

偉終南之松檜兮挺直幹乎千尋託奇根於陵嶽兮掩
枝葉於玄津鈔蕙華之競敷兮望風雨而先零君獨服
此勁質兮諒非衆芳之所羣羣薦喏於渠蘄兮願當君
之夏屋顧枿鑿之橫施兮乃終罹此怨讟心閔閔之隱
軫兮哀斯世之蹇齷指南土以翩翩兮汨滋邁乎芳躅
託鳳鳥之先容兮藉鷓鴣明為後乘謁重華之離宮兮奏

雲門舞六韶鄭聲曼靡離遠去兮麤穢除而虛清慝衷
嫺儀以沕宓兮夔龍軒翥而並迎夫賢臣作忠固無遠
近兮量自信其所長堅白支離吾弗與辯兮雖頷顙其
何傷竊余離慙以永思兮俟一見之何時痛江河之愈
下兮恐青雲之後期登宛丘以望君兮君之門萬里沂
江潭以直上兮謇余又畏乎龍鯉仰浮雲之互逾兮杳
鴻鴈之難攀心低徊以怛懽兮積遙夜而永歎

右八

皇天之不逞於一物兮禱余魄使有行乘嶷嶮以集憩
兮被倨傲之頑名苟視履之無憊度兮身焉取此純纁
唯神理之降罰兮假豎奴兮用殛銜窓鬱於夏臺兮欲
一鳴之匪得惜既往之莫咎兮思將來吾不可測述馮
馮而無終兮怛懔懔而罔極竚慌沕以孔黜兮精煙煙
而遠襲揆堯禹以為像兮揖仲熊與為伍余孜孜日夜
以呻誦兮尚欲奮聲於天下然傍徨而絕術兮衆噂噉
而謔予歲困敦之罹網兮至今十四年而始原微大人

之鯁介兮余又焉能使常存
羣犬馬之無恙兮歡既至
而霑巾慟嗟琅之曷已兮
信感泣乎路人昔越石之
當乖兮晏子聞而解之苟
鮑叔之少忍兮仲孰與乎
宥之感國士之奇遇兮彌
千載而仰之思鬱悠之斟
暢兮判淹離而晟之送佳
人之姁姁兮擁千騎之嘽
嘽載雲旗之旒旒兮疊鉦
鼓之齠齠左青龍之蜿蜒
兮右白虎之粼粼屬雷師
之轟轟兮御豐隆之翺翺
飭帝江使混混兮戒陽侯
之猗猗叱鼃鼃以為梁兮
靜蛟涎之汨汨二

女翽翽而來翼兮馮夷僂僂於滄洲兮江水無波兮撒
九河使安流渺長浮之漚澹兮還期君之舊鄉嘆處者
之莫從兮徒憊心之遑遑冀不忘茲厚德兮將坐見於
羹牆忽乎君之高蹈兮顯光烈於虞唐

右九

蟣蒙集卷三